

!رسالة واحدة فقط

Jedinstvena poruka

Jedinstvena poruka

Dr Nadži ibn Ibrahim el-Arfedž

Posveta

Iskrenim tragateljima za istinom

Svim razumnim i svjesnim ljudima

Pitanja prije čitanja knjige:

1. Koji je cilj ove jedinstvene poslanice?
2. Što o njoj kaže Sveta Knjiga?
3. Što o njoj kaže Kuran?
4. Koji je tvoj stav nakon svega toga?

Srž teme:

Nakon stvaranja prvog čovjeka, Adama, samo jedna poruka je kroz povijest čovječanstva bila nošena. Zbog podsjećanja ljudi na ovu bitnu poruku i njihovog povratka na ispravnu stazu, Uzvišeni i jedini istiniti Allah je slao vjerovjesnike i poslanike, kao što su bili: Adam, Noa, Abraham, Mojsije, Isus i Muhamed, neka je na sve njih Allahov mir i blagoslov.

Svi oni su bili poslani samo radi dostavljanja jedne poruke koja glasi:

Samo je jedan istiniti Bog, pa Ga obožavajte.

Poslao je poslanike zbog dostavljanja ove poruke:

- Noa: "Vaš Bog je jedan pa samo Njega obožavajte."

Abrahama: "Vaš Bog je jedan pa samo Njega obožavajte."

Mojsija: "Vaš Bog je jedan pa samo Njega obožavajte."

Isusa: "Vaš Bog je jedan pa samo Njega obožavajte."

Muhameda: "Vaš Bog je jedan pa samo Njega obožavajte."

Zbog obavljanja veoma važnih zadataka, Uzvišeni Allah je poslao najodabranije poslanike (ulu-l-'azm), a i druge od kojih neke znamo, dok druge ne poznajemo. Ti zadatci su:

1 – Primanje božanske objave i njeno dostavljanje svome narodu i sljedbenicima;

2 – Podučavanje ljudi Allahovoj jednoći, te iskreno obožavanje Njega jedinog;

3 – Otjelovljenje lijepog uzora u djelu i riječi, kako bi se ljudi za njima povodili u svom putovanju ka Allahu.

4 – Upućivanje njihovih sljedbenika ka bogobožnosti, pokornosti Allahu i slijeđenju Njegovih naredbi;

5 – Podučavanje sljedbenika propisima vjere i lijepom ophođenju;

6 – Upućivanje grešnika, mnogobožaca i svih drugih ljudi;

7 – Obavješćavanje ljudi o proživljenju nakon smrti, polaganju računa za svoja djela, i da će samo onaj tko bude vjerovao u Allaha Jedinog i radio

dobra djela ući u Raj, a onaj tko Allahu bude pridruživao sudruga i činio zlo, biće stanovnik Vatre.

Uistinu je sve ove vjerovjesnike i poslanike stvorio i poslao samo jedan Bog. Sav svemir i sva stvorenja u njemu govore o postojanju Allaha Tvorca i svjedoče Njegovu jednoću. Allah je Taj Koji je stvorio svemir i sve u njemu: ljude, životinje, insekte... On je Taj Koji je prolazni i vječni život stvorio i On je Tvorac smrti.

Sve svete knjige kod židova, kršćana i muslimana svjedoče postojanje Allaha i ukazuju na Njegovu jednoću.

Svatko tko traga za istinom, ako nepristrano i objektivno pristupi istraživanju i studioznom proučavanju pojma "Bog" u Bibliji i Časnom Kuranu, može uočiti jedinstvene osobine koje su svojstvene samo Bogu, a lažna božanstva u njima nemaju nikakvog udjela. Ovu su neke od tih osobina:

- 1 – Istiniti Bog je Tvorac, a ne stvorenje;
- 2 – Istiniti Bog je jedan, On partnera i sudruga nema, Jedan jedini, nije rodio, niti je rođen;
- 3 – Ne postoji mogućnost da se Njegova slika zamisli, niti postoji mogućnost da Ga pogledi vide na ovome svijetu;
- 4 – Allah je oduvijek i On ne umire, ne mijenja se, ne sjedinjuje se, niti se utjelovljuje u neko od Svojih stvorenja;

5 – Allah je utočište svemu i Sam po Sebi opstoji, neovisan je od stvorenja i nema potrebu za njima. On nema ni oca ni majku, niti ima suprugu niti dijete, hrana i piće Mu nisu potrebni, niti je potreban bilo čije pomoći. Međutim, sve što je On stvorio ima potrebu za Njim.

6 – Jedino Allah ima uzvišene i apsolutne savršene osobine i nitko sa Njim u tome nema udjela, niti Mu je itko od stvorenja sličan. Nitko i ništa nije kao On.

Koristeći ova mjerila i ova svojstva (i druga svojstva koja su specifična samo za Allaha) možemo na veoma lak način otkriti i odbaciti bilo koje lažno božanstvo.

Sada mi dopustite da se vratim na već spomenutu temu o jednoj poslanici i da se pomognem nekim od tekstova Svete Knjige i Kurana koji potvrđuju jednoću Boga.

Ali prije toga želim sa vama podijeliti jednu misao:

Pojedini kršćani, čudeći se, zapitkuju i govore: „Veoma je jasno da je Bog jedan i mi vjerujemo da je tako, pa u čemu je problem?“

Istina je da sam ja tokom intenzivnog izučavanja i čestog čitanja o kršćanstvu, kao i tijekom svojih mnogih diskusija sa kršćanima, spoznao da Bog kod njih (po mišljenju nekih) označava sljedeće:

1 – Bog Otac;

2 – Bog Sin;

3 – Bog Sveti Duh.

Čista logika i zdrav razum tjeraju objektivnog istraživača da kršćanima postavi sljedeća pitanja:

1 – Što znače vaše riječi: "Allah je jedan", a pri tome ukazujete na postojanje tri boga?

2 – Je li Bog jedan koji se utjelovio u trojicu ili trojica koja su se utjelovala u Jednog?

Uz to još, prema nekim doktrinama kršćana, ova tri božanstva imaju različite uloge, suštine i likove:

1 – Bog Otac = Tvorac;

2 – Bog Sin = Spasitelj;

3 – Bog Duh Sveti = Savjetnik.

Tvrdnja da je Isus Božiji sin, ili da je Bog ili pak dio Njega, u potpunoj je suprotnosti sa tekstovima prenesenim u Tori i Evanđelju gdje se spominje da Allaha nitko ne može niti vidjeti niti čuti:

"Niti ste glasa Njegova ikada čuli niti ste lica Njegova ikada vidjeli."

(Evanđelje po Ivanu 5,37)

"Koga nitko od ljudi ne vidje, niti Ga vidjeti može."

(Prva poslanica Timoteju 6,16)

"Moga lica ne možeš vidjeti, jer Mene ne može čovjek vidjeti i u životu ostati."

(Izlazak 33,20)

Imajući u vidu ove, a i druge citate, čudim se i veoma iskreno postavljam pitanje: Kako je moguće naći zajedničku točku između onih koji tvrde da je

Isus Bog i citata iz Svete Knjige koji potvrđuju da ne postoji nitko tko je Njega vidio, niti Njegov glas osluhnuo?!

Zar Židovi toga vremena, zatim Isusova obitelj i sljedbenici njegovi nisu vidjeli Isusa (po tvrdnjama nekih sina Božjeg) i zar nisu njegov glas čuli?

Kako je moguće da Tora potvrđuje da nitko nije vidio Boga niti da ga je čuo, a zatim nalazimo one koji vjeruju da je Isus, čiji lik su brojni vidjeli i čiji glas su čuli, da je on Bog ili sin Božiji? Postoji li neka skrivena tajna o stvarnoj suštini Boga?

Tora potvrđuje upravo suprotnu činjenicu ovome, jer prenosi od Boga da je rekao:

"Ja sam Gospod i drugi nitko. Nijesam govorio tajno, u kojem tamnom kutu Zemlje. Nijesam potajno rekao djeci Jakovljevoj: „Tražite me!“ Ja, Gospod, govorim što je pravo, javljam što je istinito. (Izaija 45,18-19)

Dakle, što je ustvari istina?

Izvoli, pročitaj prethodni tekst i o njemu pažljivo razmisli.

Sada zajedno prelazimo na istraživanje istine o Allahu spomenute u Svetoj Knjizi i Kuranu, sa nadom da ćete mi iznijeti vaša mišljenja i stavove nakon što razmislite o ajetima, citatima i tekstovima i nakon što pročitate ovu knjižicu i na

nju se kritički osvrnete, uz objektivnost i pravednost.

Radi objektivnosti, ja ću navesti argumente, bez bilo kakvog komentiranja, uz želju da se o njima dubinski razmisli bez ikakvih predrasuda.

Allah je Jedan i Istinit u spisima Starog zavjeta:
"Čuj, Izraele! Gospod je Bog naš, Gospod jedini!"
(Ponovljeni zakon 6,4)
Nije li nas (jedan) Bog stvorio?
(Malahija 2,15)

"Da spoznate i vjerujete mi i uvidite, da sam ja, prije mene nije bilo boga, niti će ga poslije mene biti. Ja, jedino ja jesam Gospod, osim mene nema pomoćnika."

(Izaija 43,10-11)

"Ja sam Prvi i Posljednji, osim Mene nema Boga."
(Izaija 44,6.)

"Nijesam li to bio Ja, Gospodar? Nema Boga osim Mene, nema Pravednoga i Spasitelja osim Mene!"
(Izaija 45,21)

Sjećaš li se drugih citata koji su slični ovima?

Allah je Jedan i Istinit u spisima Novog Zavjeta:

"A ovo je život vječni, da spoznaju Tebe, jedinog pravoga Boga, i onoga koga si poslao, Isusa Krista."
(Evandjelje po Ivanu 17,3)

"Gospodaru, Bogu svojem, klanjaj se i Njemu jedino služi!"

(Evandjelje po Mateju 4,10)

"Isus odgovori: 'Prva glasi: Čuj, Izraele, Gospodar, Bog naš, je jedini Gospodar.'"

(Evandjelje po Marku 12,29)

"Jer Bog je jedan, i posrednik između Boga i ljudi je jedan, čovjek Isus Krist."

(Prva poslanica Timoteju 2,5)

"I gle, neko pristupivši reče mu: 'Učitelju blagi! Kakvo ću dobro da učinim da imam život večni?' A on mu reče: 'Što me zoveš dobrim? Niko nije dobar osim jednog Boga.'" (Evandjelje po Mateju 19,16-17.; Jamesova verzija)

Možeš li se sjetiti nekih drugih citata koji ukazuju da nema tri boga, nego da je jedan a ne trojica?

Allah je jedan i istinit i po kuranskim tekstovima

((قل هو الله أحد . الله الصمد . لم يلد ولم يولد . ولم يكن له كفواً أحد)) .

"Reci: 'On je Allah – Jedan! Allah je Utočište svakom! Nije rodio i rođen nije, i niko Mu ravan nije'"

(El-Ihlas, 1-4)

((لا إله إلا أنا فاعبدون)) .

"Nema istinskog Boga osim Mene, zato Mene obožavajte."

(El-Enbija', 25)

((لقد كفر الذين قالوا إن الله ثالث ثلاثة وما من إله إلا إله واحد وإن لم ينتهوا عما يقولون ليمسن الذين كفروا منهم عذاب أليم)) .

"Nevjernici su oni koji govore: 'Allah je jedan od trojice!' A samo je jedan Bog! I ako se ne okane onoga što govore, nesnosna patnja će, zaista, stići svakog od njih koji nevjernik ostane."

(El-Ma'ida, 73).

((إن إلهكم لو أحد))

"Vaš Bog je, uistinu, Jedan."

(Es-Saffat, 4)

((أأله مع الله قل هاتوا برهانكم إن كنتم صادقين))

Zar pored Allaha postoji drugi Bog? Reci: „Dokažite, ako istinu govorite!“

(En-Neml, 64)

Ustvari, poruka o Allahovom tevhidu (jednoći) je glavna tematika kojom se Kuran bavi.

Zaključak

Svi ovi tekstovi i citati iz Svete Knjige i Kurana, kao i stotine drugih su dovoljan dokaz koji potvrđuje ono što ne ostavlja prostora za bilo kakvu sumnju, a to je činjenica o Allahovoj jednoći i nepostojanju drugog božanstva pored Njega. Sveto pismo kaže:

"Čuj, Izraele, Gospodar, Bog naš, jest jedini Gospodar...

Samo je jedan Bog, i osim njega nema drugoga.“
(Evangelje po Marku 12, 29-32) Dok Kuran spominje Allahovu naredbu:

(قل هو الله أحد)

Reci: „On je Allah - Jedan.“ (El-Ihlas, 1)

Sveta Knjiga ne potvrđuje samo činjenicu da je Allah jedan, nego pored toga potvrđuje i da je Allah jedini Spasitelj i Tvorac: "Da spoznate, vjerujete Mi i uvidite da sam jedino Ja Gospodar, prije Mene nije bilo Boga, niti će ga poslije mene biti, i osim mene nema pomagača.“ (Izaija 43,10-11)

Na temelju svega kazanog postaje jasno da ne postoji nikakva osnova niti dokaz koji potvrđuje božanstvo Isusa, Svetog duha ili bilo koga drugog. Oni nisu ništa drugo osim stvorenja i od njih ništa ne zavisi. Oni nisu božanstva niti predstavljaju manifestaciju Boga, a niti se je On u njih utjelovio. Njemu nije ništa slično kao što navode tekstovi Svete Knjige i Kurana.

Allah Uzvišeni se rasrdio na židove zbog njihove zablude i obožavanja drugih božanstava: "I raspali se gnjev Gospodnji na Izraela." (Knjiga brojeva 25,3) Čak je i Mojsije razbio njihovo zlatno tele koje su obožavali.

S druge strane, jedna grupacija kršćana koji su vjerovali u ideju jednog Boga, bila je izložena mučenjima i progonima, a sve iz razloga njihove vjere u Allahovu jednoću i odbijanja bilo kakvih izmjena u Isusovim nepatvorenim naučavanjima, odbacivši ideje o trojstvu kojoj je začetnik bio apostol Pavao i njegovi sljedbenici.

Zaključak svega kazanog jeste da je Allah poslao Adama, Nou, Abrahama, Mojsija, Isusa, Muhameda i ostale vjerovjesnike i poslanike, neka je na njih blagoslov i mir, kako bi pozivali ljude u vjerovanje u jednog Boga i iskreno robovanje samo Njemu koji nema sudruga. Ovo je bila poslanica svih njih:

"Samo je jedan istiniti Bog, pa samo Njega obožavajte."

Obzirom da je poruka svih vjerovjesnika i poslanika jedna, u tom slučaju i vjera im je jedna.

Dakle, koja je to njihova vjera?

Srž njihove poslanice zasniva se na potpunom predanju Allahu. Predanost Allahu je ustvari značenje riječi "islam" u svojoj suštini, kao i u arapskom jeziku.

Kuran bez bilo kakve dileme tvrdi da je islam istinita vjera kojoj su pozivali svi Allahovi vjerovjesnici i poslanici, a ta kuranska istina može se, također, naći i u Svetoj Knjizi. (Uz Allahovu dozvolu u sljedećoj brošuri govorit ćemo o toj istini kroz prizmu Svete Knjige).

Na poslijetku, svima nama je obaveza prihvatiti ovu poruku i u nju iskreno i istinoljubivo povjerovati, ukoliko se želimo spasiti. Međutim, samo to nije dovoljno, nego nam je obaveza i povjerovati u sve Allahove vjerovjesnike i poslanike, među kojima je i Muhamed, neka je na njega Božji blagoslov i mir, te da slijedimo njihove

upute i da ih u praksu sprovedemo. Ovo je jedini put koji vodi vječnom životu istinske sreće.

O ti koji iskreno tragaš za istinom i želiš spasenje, moraš razmisliti o ovome odmah, prije nego što bude kasno, prije smrti koja iznenada dolazi. A tko to zna kada će doći?

Nakon razmišljanja i ponovnog sagledavanja ovih veoma važnih činjenica, koristeći zdrav razum i iskreno srce, možeš doći do zaključka da je samo jedan Bog Koji nema sudruga, niti dijete, i možeš vjerovati samo u Njega i samo Njega obožavati, i možeš povjerovati u Muhameda koji je bio poslanik, kao što su to bili i Noa, Abraham, Mojsije i Isus.

Sada, ukoliko želiš možeš izgovoriti naredne riječi:

Svjedočim da nema drugog božanstva koje zaslužuje da se obožava osim Allaha i svjedočim da je Muhamed Njegov poslanik.

Ove riječi (šehadet) su prva praktična stepenica ka putu vječne sreće i one su jedini stvarni ključ za vrata Raja.

Ako si odlučio krenuti ovim putem, možeš potražiti pomoć kod svoga prijatelja ili susjeda muslimana, najbliže džamije ili islamskog centra, a čak možeš i mene kontaktirati, što bi mi bila čast i to bi me učinilo sretnim.

(قُلْ يَا عِبَادِيَ الَّذِينَ أَسْرَفُوا عَلَىٰ أَنْفُسِهِمْ لَا تَقْنَطُوا مِنْ رَحْمَةِ اللَّهِ إِنَّ اللَّهَ يَغْفِرُ
الدُّنُوبَ جَمِيعًا إِنَّهُ هُوَ الْغَفُورُ الرَّحِيمُ وَأَنِيبُوا إِلَىٰ رَبِّكُمْ وَأَسْلِمُوا لَهُ مِنْ قَبْلِ أَنْ

يَا أَيُّكُمُ الْعَذَابُ ثُمَّ لَا تُنصِرُونَ وَاتَّبِعُوا أَحْسَنَ مَا أُنزِلَ إِلَيْكُم مِّن رَّبِّكُم مِّن قَبْلِ أَنْ
يَأْتِيَكُمُ الْعَذَابُ بَغْتَةً وَأَنتُمْ لَا تَشْعُرُونَ

"Reci: 'O robovi Moji koji ste se prema sebi ogriješili, ne gubite nadu u Allahovu milost! Allah će, sigurno, sve grijehе oprostiti; On, doista, mnogo prašta i On je milostiv.'" I vratite se Gospodaru svome i pokorite mu se prije nego što vam kazna dođe - poslije vam nitko neće u pomoć priskočiti. I slijedite ono najljepše, ono što vam Gospodar vaš objavljuje, prije nego što vam iznenada kazna dođe, za čiji dolazak nećete znati."

(Ez-Zumer, 53-55)

Postoji i druga stvar...

Zadnja misao:

Nakon detaljnog čitanja ove Jedinствene poslanice, iskreni i ozbiljni ljudi će se zapitati:

Što je istina?

Što je greška?

Što činiti?

O ovim pitanjima će biti govora u mojim sljedećim radovima, uz Božju pomoć.

Radi dodatnih informacija možete me kontaktirati na:

abctruth@hotmail.com / info@abctruth.net

Kao i na kućnu adresu: el-Ahsa', poštansko sanduče 418, zipcode 31982, KSA.

Ili se javiti u kancelariju.

Tko ima prigovor na neku grešku molimo ga da nam se obrati.

الفهرس

Jedinstvena poruka	2
Posveta.....	2
Pitanja prije čitanja knjige:	2
Srž teme:	2
Dakle, što je ustvari istina?	7
Allah je jedan i istinit i po kuranskim tekstovima	9
Zaključak.....	10
Postoji i druga stvar... ..	14
Zadnja misao:.....	14